



# भाव पोशमाल

छम म्य यि कृपा चनी  
लेखनवथस, छस अज्ञनी

११

ॐ

श्री बालकृष्णजी भागाती की धर्मपत्नी सुश्री कमलावती जी मेरी सुभक्ता हैं। इन्होंने कई वर्षों से मेरे जन्मदिन पर कश्मीरी भाषा में कविता के रूप में अपने सुन्दर उद्गार प्रकट किये हैं।

इनकी कविता में सरलता, सुन्दरता तथा गुरु के प्रति भक्ति भरी है। ईश्वर इन्हें सदा सत्तोगुणवृत्ति प्रदान करे और गुरु-भक्ति का पात्र बनाये। यही इनके प्रति हमारा शुभाशीर्वाद है।

१६ अप्रैल, १९७४

लक्ष्मण

गुप्तगंगा आश्रम

श्रीनगर (कश्मीर)

---

**कमला भागाती**

२ एम/२१, लाजपत नगर, नयी दिल्ली-२४

## भेंट जन्मदिन-१९७४

ओबर तल सिरिय प्रकाश नोन द्राव  
पान भगवान अज्ज जनमस आव  
पान ॥

उमकारस मँज पान शवनाथ  
रुत दोह अज्ज नेछत्र त साथ  
कलि योगस पाप गालनि आव ॥  
पान ॥

जनम हियोतुन भाग्यवान माजि निशी  
त्रेवनस पानय कृपा दृष्टि  
जोन तमि भगवान म्य सन्तान आव ॥  
पान ॥

बाल लीलायि हाव्यन माताये  
यिम कृष्णन हावि जोसदाये  
पान कृष्ण अवतार जनमस आव ॥  
पना ॥

अख अवतार सास बध्य छिस नाव



थोद कोताह अमिसुन्द प्रभाव  
कुस हिकिय गँजरिथ अमि सँदि नाव ॥  
पान ॥

अजिकि दोह पोन्थ वुज्येव नागन  
पोश फल्य इशिवेर क्यन भागन  
अज ताप हत्यनय शेहजार आव ॥  
पान ॥

यन दोर अमि पानय अवतार  
कोरुन सान्यन पापन सँहार  
खोरुन पनन्ये कुलकुय नाव ॥  
पान ॥

रूप छुस प्रजलान जन जोतीं  
प्रव छे प्यवान वुछनय सती  
तीज सोस्त शंकर भगवान ॥  
पान ॥

केह समय बितोवुन गरसय मंज  
योग ओस साधान मनसय मंज  
त्रोवुन अकि दोह गरकुय भाव ॥  
पान ॥

गरि द्राव भूजुख छु साद माल्येन  
श्री माता लजिस पान छारने

गुरु संजि आज्ञायि वापस आव  
पान ॥

तपस्या करनि व्यूठ गुप्तगंगाये  
कृपा करन श्री शारिकाये  
दियुतनस पनुनुय भक्ती भाव ॥  
पान ॥

मातायि दोपनस रोज च्ये सती  
छुख भगवान छम चनी प्रीती  
चेय निशि स्वर वुन्य चोनुय नाव ॥  
पान ॥

माता पिता रुदिस सति सती  
भगवानस ति अस तिहँज प्रीती  
भवसर तरन तिहँजय नाव ॥  
पान ॥

माता असस दोध त थन्य खयावान  
भाव सान दुध खस्य आपरावान  
जुसदा अस करान कृपनस भाव ॥  
पान ॥

स्व माता अस पान अनपूर्ण  
बोछि होत ओसन तति नेरान कांह  
जगत माता अस करान सारनय भाव ॥  
पान ॥

## गुरुपूजा

अज ओंकार द्राख मज नोन सरय  
पूजा करहय व शंकरय ॥  
पूजा ॥

बहिक गटपछि बश प्यव प्रकाश  
सरिसय जगतस आव तन गाश  
नागन पोन्थ वुज्येव जर जरय ॥  
पूजा ॥

अज दियुतुथ भगवानय दर्शोन  
आकाशि प्यठ प्यव पोशि वशोन  
रंग रंग पोशन गय अम्बरय ॥  
पूजा ॥

भाव पोशन करमय माल अज  
पन तोरमस भावचि रज  
स्वय रज छम चोनुय आसरय ॥  
पूजा ॥

नल्य छय शूभान यि पोशिमाल  
अथ मालि छय उमकारचि चाल



शुभान ओंकारस मंज हरय ॥  
पूजा ॥

नेत्रन चान्यन हँजय यि जोती  
स्वय वुछनच छम मे प्रीती  
स्वय द्रेष्टी त्रावतम हरय ॥  
पूजा ॥

सर्व व्यापक छुख च मँज हनि हने  
अनि गटि मंज यितम वुन्य बने  
म्योन हृदय छुय चोनुय मन्दरय ॥  
पूजा ॥

त्रे मूर्त्ती छुय यि चोनुय रूप  
सुब शाम जालहय ज्ञानुक दूप  
दान दान तुलसी लागहय हरय ॥  
पूजा ॥

छायन छसय ब पत पत लारान  
बरसय तल छसय बय आरान  
मुचरावतम दयायि हुन्दुय बरय  
पूजा ॥

पूजायि लागहय ही त व्यल  
सर म्योन छुय पादन तल  
भाव पनुनुय ब अर्पन करय  
पूजा ॥

आश्रमस मँज छुख फोलमुत च पोश  
दर्शन चानि सत्य यिवान असि होश  
पम्पोशि नेथर छिय सुन्दरय ॥

पूजा ॥

रछतम वुन्य मे पादन तल  
शेरि चानि लागहय व्यल त मादल  
पूनिम त मावसि ब्रथ चोन दरय

पूजा ॥

गुप्त दितम पनुन भक्ती भाव  
युथ गूपियन औस कृष्णुन भाव  
चानि भारगाहि क्या कम गछि हरय

पूजा ॥

आयिसय ब शरण आशायि सान  
चरनन हँज छसय भक्ती मँगान  
दितम स्वय भक्ती सद्गुरय ॥  
पूजा करहय ब शंकरय ॥

### मनुकुय सीर

हो दयावान आयि सय ब शरण च्ये  
यमि अनि गटि मँज कड़तम मे  
यमि ॥



मोह जालस मँज गमच छस बन्ध  
अमि मंज कड़तम लगिहेम अन्ध  
छुख दया सागर करतम अनुग्रह ॥  
यमि ॥

म्योन मन छुय गरि गरि छारान  
भावक्य पोश हियथ छसय प्रारान  
यिम पोश लागहय पादन च्य ॥  
यमि ॥

छुखना चय पानय आशुतोष  
पूजि लागहेय बय मनकी पोश  
पूर करतम यहेय अभिलाश में ॥  
यमि ॥

प्रार कोताह प्ररि प्ररि लूसस बय  
इशिबरि बालस प्यठ बिहिथ चय  
चान्यन पादन हुन्द छु म्य श्रेह ॥  
यमि ॥

पान छुख चय शंकर भगवान  
मत आसतम चय दूर रोजान  
सुय भयि कास्तम वुन्य चय मे  
यमि ॥

दियुत्थम पादन हुन्द आसरय

चलरवथम काल थर थरय  
छुख दया सागर कोरथम म्य अनुग्रेह  
यमि ॥

रोजतम हृदयस मँज मत रोजात दूर  
मंजिलस वातनावतम छुम दूर  
चय छुख वथ हावन वोल मे ॥  
यमि ॥

छुमन सुय बाश हिछहे ज्ञानय  
रोटमुत छुम चोन दामानय  
मनकुय सीर भोवमय वुन्य च्यै ॥  
यमि ॥

कोरथम यलि अकि लटि अनुग्रेह  
वुन्य मत तरसावतम चय मे  
कँजि पोन्थ मत सारनावतम मे ॥  
यमि ॥

सगुदर वुन्य मत मशिरावतम  
यूत सोन क्रूर मत खननावतम  
दयायि हँज द्रष्टी त्रावतम मे ॥  
यमि ॥

विनती छसय करान ब भक्ती सान  
दकजादनय हुँन्द छुख च भोजान

भावसान यि प्रार्थना लीछमय मे ॥  
यमि ॥

### अरचर (भक्तजन-दिल्ली)

सदगुरु वृजुथ यि अरचर सोन  
असि छुय भक्ती हुँद भाव चोन  
असि ॥

सोरुय छु चानि कृपायि हुन्द जोर  
असि आख आशिर्वाद दिनि योर  
दोपुथ असिनव भक्ती भाव म्योन  
असि ॥

अन्तरयामी छुख च पानय  
दिचिथ असि आज्ञा भगवानय  
हियोत करुन असि तन कीर्तन चोन  
असि ॥

त्रवमच अस असि निन्द्रा जन  
वुजनावनि आख पान लक्षमन  
ज्ञानन वोल् छुख भगवान सोन  
असि ॥



निन्द्रि वृज्जनविथ अस्य सेरी  
भूज्जथ पानय सन्य जरी  
दोपुथ आथवारि स्वरितव नाव म्योन  
असि ॥

वारि वारि छुख असि घर यिवान  
भक्ती छुख असि बडरावान  
असि गालान मनुंकुय मल प्रोन  
असि ॥

आवाज चन्य यलि अस्य बोज्जान  
तमि सत्य मनसय शंती यिवान  
ब्रोंठ कनि छु यिवान असि रूप चोन  
असि ॥

शाद छिय अस्य सरी आसान  
भगवान छुख असि सत्य आसान  
लोल सान छिय करान पोशिवशेनि  
असि ॥

प्रार्थना छिय करान अस्य सरी  
पादेन लगहोय परि परी  
रोट असि वुन्य दामानय चोन  
असि छुय भक्ती हुन्द भाव चोन

## ईश्वर आश्रम

गच्छह व शरण सदगुरस तय  
पोशि दसतय लागसय  
पोशि ॥

बिहिथ छु प्यठ इशिवर बालस्तय  
तति छु तमिसुन्द आश्रम  
ईश्वर आश्रम तथ नाव छुस्तय  
पोशि ॥

बुथह बय सँगर मालान  
खसहे इशिवर कयन बालन  
तेतिथय दर्शनस प्रारहस्तय  
पोशि ॥

प्रारह नेरि भगवान म्योन  
दियम पादन हुन्द दर्शोन  
सुन्दर पादन पोश लागहस्तय  
पोशि ॥

ईश्वर आश्रम छु स्वर्गद्वार  
फल त फूल छिस बे शुमार

नागन हुन्द पोन्त्य वसान छुस्तय  
पोशि ॥

अचह ब तथ अश्रमस अन्दरय  
तति छु शँकर रूप सुन्दरय  
नेत्र कमलन जोती छस्तय  
पोशि ॥

बाला दरि प्यठ तति बिहिथ राम  
अन्दि अन्दि छिस पोशन हन्दि साम  
शाम रँग वस्त्र नल्य छिस्तय  
पोशि ॥

सर्व कुल जन शुभान छुस कद  
छुसन सुन्दरतायि काँह हद  
पाद गरदे खुशबू छस्तय  
पोशि ॥

असवुन रूप कोताह छुस सुन्दर  
नविथ थवहस मनुकुय मन्दर  
तथि अन्दर ब जाय करहस्तय  
पोशि ॥

आमुत अवतार पान भगवान  
रँग रँग लीलायि असि हावान



तिमन लीलायन छु अमृत रसस्तय  
पोशि ॥

शारिका दीवी दियुतुन ज्ञान  
सनमुख छुस पानय भगवान  
प्रभाजी न्यथ पाद पूजान छस्तय  
पोशि ॥

काम दीनि छु पालन करान  
आमुत अवतार कृष्ण भगवान  
प्रेयमुक दोध सो दीवान छस्तय  
पोशि ॥

गुप्पगंगायि उपदेश दिवान  
सरी शिष छिस तूरि वातान  
दिवान छु सारिनय भक्ती रस्तय ॥  
पोशि ॥

भक्ति भाव सत्य नाद दिमहस  
अशि के वानि संत्य पाद छलहस  
आश छम तमि हँज प्रारान छस्तय ॥  
पोशि ॥

प्रारान छस यियिहे वुन्य सोन  
लेखिहे म्योन नोव कर्म लोन

मनकी पोश पादुकायि लागहस्तय  
पोशि ॥

छमन तस रोश कसी हँज आश  
म्यान्यन नेत्रन हुन्द सुय गाश  
गशि रोस छस व्ययि छसवेवस्तय  
पोशि ॥

प्रार्थना लीछमस भावानायि सान  
यियिहे बोजिहे पान भगवान  
सीर पनुनुय वुन्य व भावहस्तय ॥  
पोशि दस्तय लागसय ॥

### दास-गंजरावतम्

मनकिस भागस पोश फोलरावतम  
सदगुर गटि मँज गाश हावतम  
सद्गुर

तिमन पोशन मँज पनन्य पाद हावतम  
न्यथ तिमनय पूज कर नावतम  
स्वय भक्ती वुन्य मे प्राव नावतम  
सद्गुर ॥

भवतो हुँदि पोश मत होखरावतम  
अमृत वानि सत्य अदरावतम  
ज्ञानकि शबनम सत्य फोलरावतम ॥

सदगुर

मोह चे निन् द्रे वुन्य वुज्जनावतम  
अज्ञानुक अन्धकार कास्तम  
मोह किस जालस गँड़ मुचुरावतम

सद्गुर ॥

मनकिस नागस पोन्य वुज्जनावतम  
तमि पानि मन मे छलनावतम  
स्वयं शीतलता वुन्य बरसावतम

सदनुर ॥

त्रेशिवय रूप छुख चय पानय  
बय मूर्ख किथ पठ्य ज्ञानय  
छुख दया सागर ज्ञान करनावतम

सद्गुर ॥

बड़रावतम वुन्यम्य यहोयमान  
दितम पादन हुन्दुय ध्यान  
पादन हुन्द आकार हृदयस त्रावतम

सद्गुर ॥

नेत्रन मँज़ा बाग जाय करहय



ब्यल पत्रव सत्य पूज करहय  
स्वय पूजा वुन्य न्यथ करनावतम ॥

सद्गुरु ॥

मन छुम रोज्ञान मे चच्चल  
गालन वोल छुख चय तमिक मल  
पादन हँज गरद प्यठ बरसावतम ॥

सद्गुरु ॥

॥ पान भगवान छुख चय ज्ञानन वोल  
द्वरदिल म्योन छुख चय मज्य मोल  
दास यिम छिय तिहुँज दास गजरावतम

सद्गुरु ॥

॥ कन दरिथ भोजत यि प्रर्थना म्यनी  
गछियमन केह गछहम भक्ती चनी  
चरनन हँज भक्ती बड़रावतम ॥  
सद्गुरु गटि मँज गाश हावतम

### गुरुपाद महिमा

पोश वथरावहस जायि जाये  
गुरु पादन हँज छम म्य माये  
गुरु ॥

अच्छि लोसम दर्शनस प्ररि प्ररी  
लोलक्य पोश थविम चरि चरी  
तिमय पादन लागस पूजाये ॥

गुरु ॥

करनम कृपा दितुनम म्य नाद  
तति हविनम तिम पम्पोशि पाद  
नेत्रन लगिम पञ्जि माये ॥

गुरु ॥

भावनायि सान वनिमसम्य जरी  
भूजन पान कन दरि दरी  
दियुतनम पादन हुन्द साये ॥

गुरु ॥

भक्ति भाव ओसुम मनस मज  
शीतल पाद दित्यनम अथन मँज  
अमृत बरस्योम तमि कृपाये ॥

गुरु ॥

तमि शीतलतायि ओननम म्य होश  
त्रोम किस मनस फल्यम सुन्द सन्दि पोश  
तिमय पोश लागहस पादुकाये ॥

गुरु ॥

दित्यनम यलि पाद अथनय मँज

जाय करमख नेत्रन मँज  
छुम गुरु कृपायि हुँन्द साये ॥  
गुरु ॥

सुन्दर रुफय छुस असवुन  
युथ सिरियि प्रकाश छु खसवुन  
अमि सुन्द प्रेकाश छुजायि जाये ॥  
गुरु ॥

मनसय मँज छुम यहोय गम  
यीर गमच्य तावि रटिहेम नम  
तार दियिहेम वुन्य कुनि जाये ॥  
गुरु ॥

सात सात छस यिम कवितायि परान  
गुरु पादन छस पूजा करान  
ताप हचि छुम बोनि हुन्द साये ॥  
गुरु पादन हँज छम माये ॥

### शंकर प्रार्थना

पाद छलहय वुन्य ब अशि वाने  
वनि यितम हा गोसाने ॥  
वनि ॥



आधि प्रभातन छसत छारान  
दर्शनसय छसय ब आरान  
म्यानि विनती भोजत वुन्य माने ॥  
वनि ॥

छुम अभिलाश छसय प्रारानय  
दितम दर्शुन उमायि सानय  
दुख चलिहेम्म दर्शन चाने ॥  
वनि ॥

हावतम सु रूप शोभायिमान  
वनतम कथ जायि छुख रोजान  
तथ जायि प्रारह्य मायि चाने ॥  
वनि ॥

कल माल छय च्य छनिथ नली  
कनन छिय कुंडली हँन्दि वली  
चान्यन रुपन कुस जाने ॥  
वनि ॥

चोन नाव छुय त्रशूल धरी  
बृषभस खसिथ छुख सवरी  
सर्व व्यापक स्वर्फ गोसाने ॥  
वनि ॥

छय ब्रोंठ कनि धून्या दजान

छुय डमरु त सेतार वजान  
सरस्वती वनवान भाव चाने  
वनि ॥

टोठ नाव छुय शंकर भगवान  
वुन्य दितम पादन हुन्दय ध्यान  
तार तर ह पाद दर्शन चाने ॥  
वनि ॥

भखत्यन छुख मनि मंज बासान  
छय उमा खोहवरि आसान  
गणेश जी मंज खोनि चाने  
वनि ॥

गजा चम छयना च्ये वलिथय  
शुमशान बसमा छुय मलिथय  
कुस जानि यिम लीलायि चाने  
वनि ॥

हटि छय गंगा वसान जरी  
छुख शंख चकर गदा धरी  
भूत प्रीत मंज मँडली चाने ॥  
वनि ॥

स्वर्फन हंजा माल छय नली  
कांह ति अंग छुयन च्ये खली



जाहरस अमृत गव भाव चाने  
वनि ॥

शेरि चन्द्र छुय च्ये प्रजालान  
डटकस मँजा त्रेयुम नेथर शूभान  
शूभायि मान भगवान म्याने ॥  
वनि ॥

सूह मुसला छुय च्ये वलिथय  
तनि अम्बर भूत छुय मलिथय  
गोड़ ब दिमहय अशि वाने ॥  
वनि ॥

रूप छुय च्ये अगनच्य जोती  
छुख दिवान चय सारिनय शन्ती  
वर्षा करान चय अमृत वाने ॥  
वनि ॥

पयियन छुख च नाश करन वोल्  
भखत्यन छुख चय रछन वोल्  
म्यन्य दुख च्ये रोस कुस जाने ॥  
वनि ॥

भक्ती स्व दितम ब्रोठ कनिबास्तम  
अनिनय अछन अन्धकार कास्तम  
गाश यियिम अनुग्रह चाने ॥  
वनि ॥



